

Olaxe, surrumur egati, gozoz,
 lizar-azpiko urez, ibaibera,
 biotz-egoak naramate gogoz,
 arraitxo bat bezelaxe, urbera,
 zugatz biziz iantziriko zeruan,
 (pizti kantari, bizidun artean)
 bere izar eta illargiarekin,
 bere laño txuri-gorriakin,
 ametsak eralgiz biotz-bera,
 nere zerutxo guztiakin batera,
 itxasorako bide egaztarian,
 ase eziñezko Iainko egarriz,
 ur bide gurenetan, gorabera,
 ontzikari naramate, betira,
 erortz bildur-ikara dardaratiz.

Muniategi'tar Sabin

GIRO ILLETARI

Txoriñoak kantari
 goiko sagastian;
 frutuak erne dira
 loren biotzian.
 Udaberria antzo
 mundu zabalian...
 Illet'otsa auzoko
 eleiza kanpian...
 Baserri bat autsita
 egi-gurenian.

Izaga ideki bat
 zabuka aizian,

eten-une nabariz
urtien zorian.
Len baso alaia zan
orko piñadian,
t'orain tristura dabil
lurran azalian
ta aintziñako denboren
oroitza-miñian.

Alkarturik anaikor
aritzan azpian
lenago mintzo ziran
izkuntza batian;
orain bere gomuta
galdu biarrian...
Indarra beti nausi
munduko legian...
Illunabarra dator
gure parajian.

Untzez estalitako
orma zaharrian
lauburu ta gurutza
leioan gañian;
atai aurrekaldeko
intxeur igarrian
txorikumak dabilta
ega laburrian...
ta udazken giroa
inguru latzian.

Otsalar